

《都表如意摩尼轉輪聖王次第念誦祕密最要略法》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 20, No. 1089

No. 1089

都表如意摩尼轉輪聖王次第念誦祕密最要略法

解脫師子譯

相貌品第一

我今當說思惟法	三種真言而次第
初用大心外加持	第二根本復想內
第三小心內外通	應可存心無錯亂
如是三道妙真言	安立行者明王地
若有修此三昧耶	須具七種殊勝相
猶如輪王持七寶	王四天下皆降伏
次說順諸念誦法	復擇清淨吉祥地
或在山間及池邊	或在伽藍精室處
或佛舍利神塔中	應可存心辦諸俱
先以持地如教命	復次安置本尊者
行者自須敷已座	尊面西方在目前
行者像前面東坐	清淨沐浴香塗身
兼著新淨妙衣服	又持種種供養具
步步想八葉蓮華	存想變地無濁穢
加持護身入精室	安置像前而念誦

大心密言品第二

先用大心真言王	澡浴洗淨結護法
呪水灑身加持衣	復須想念皆成就
如此五種隨次第	都用大明及本印

唵波怛摩進路末尼摩賀惹嚩(引)囉吽

澡豆沐浴之具。各呪七遍。然後澡洗

想水白色	猶如甘露	又想自身
垢穢煩惱	受此水已	一切塵勞
皆悉落盡	洗浴畢已	應須洗淨
取土少許	加持七遍	隨時洗淨
然後著衣		

時其衣亦復加持七遍作如此想

我今此身	被金剛甲	依法訖已
即須灑身	用水一掬	加持七遍
散灑其身	想虛空中	雨諸寶華
遍滿世界	便須護身	結此密印
誦持七遍	印於七處	心及兩肩
兩眼兩膝	散於頭上	

亦成大護身已。即須結界

若結壇界	關於四門	不應結界
若作結護	皆須用心	

亦鋪置次第即作啟請等事

根本密言品第三

復說根本軌儀法	想念奉請大聖王
誦此密言及結印	一一自想往彼山
存心頂禮而奉請	迎引尊者入道場
復用遏伽而授與	香華飲食及塗香
燈蓋幢幡兼藥等	如法供養彼明王
想念供養尊者已	隨便持珠誦密言
悔先世過及發願	至誠端坐觀明王

行者像前端坐思惟。存心諦觀布多勒伽山眾寶莊嚴華果茂盛

其山頂上	聖者宮殿	本在其中
應想聖者	安坐殿中	殊妙供具
莊嚴其身	行者於此	心想之中
自往彼山	迎誦尊者	引入道場
於壇中心	蓮華臺上	安置聖者

次奉遏伽水

於新銅器	或用白瓷	器盛香水
奉於聖者	便誦真言	復想此水
聖者受已	遍灑四方	及灑妙身

行者細觀尊灑水已。三千大千世界猶如瑠璃內外明徹中無一物

奉遏伽已	次復供養	香華飲食
塗香末香	燈蓋之事	一一加持
真言及印		

供養畢已。於本尊聖者前悔謝其身呵責已過

次復發願	隨心所求	悉皆陳說
於其想中	結壇三門	唯留西門
復結大界	身外四方	周匝鋪置
及虛空界	次用塗香	塗手臂上

然後念誦

執念珠以珠熏香。二手合掌再三頂戴作如是言

我念存心	承事聖者	持此密言
唯願尊者	不捨大悲	莫違本誓
發弘誓願	速現一切	妙莊嚴身
我若見已	現身即得	證法雲地
常侍尊者	不離左右	發此願已

便誦根本 祕密真言曰

曩(上)謨(引)阿(去引)囉怛曩(上二合)怛囉(二合)夜(長引)野(一)曩(上)莫阿(去)哩野(二合引)囉路枳帝(三)濕囉(二合)囉野(四)冒地薩怛囉(二合引)野(五)摩賀薩怛囉(二合引)野(六)摩賀迦(去)嚕拏(去)迦(去)野(七)怛儺野(二合)他(去八)唵(九)左訖囉(二合)囉底(十)進路末拏(去十一)摩訶跋納冥(二合十二)嚕嚕底瑟吒(二合十三)入囉(二合)囉(十四)阿訖羅灑(二合)野(十五)吽(引)泮吒(十六)娑囉(二合引)賀(引)

誦此真言。於七日中滿三十萬遍。聖者即現持誦人前。隨心所求皆得成就

若常持念	每日三時	時別念誦
一千八遍	或百八遍	如是數滿
三十萬遍	即成悉地	時別皆作

迎送之事 付囉等法

大心密言曰

唵囉囉曩(上)娜跋納冥(二合)進路末尼(上)摩賀入囉(二合)囉吽(引)泮吒娑囉(二合引)賀(引)

小心密言品第四

復說最勝小心王	能成一切諸悉地
三業齊用結妙印	誦祕真言而付囉
又於想中除結界	次奉遏伽灑四方
後責已過深慚愧	引大聖者還本宮
安置尊者彼殿已	辭別自念還本方
又復行者	每持誦已 須作付囉
結此密印	及誦真言 付囉聖者
作如是語	所有遍數 及持功夫

付囑尊者	唯願尊者	受取守護
莫令散失	又想手印	猶如寶藏
一切遍數	安在藏中	授與聖者
聖者受已	置蓮華中	作付囑畢
亦須悔過	發弘誓願	然後復作
聖者還宮	引送之法	即除結界
復取香水	散灑四方	及奉聖者
便當引送	復結密印	及誦真言
又想自身	還送聖者	至於本宮
安置殿中	聖者坐已	自須辭去
却還本方		

小心密言曰

唵嚩(引)囉娜跛納冥(二合)吽(引)

此中密印相貌我今說之。初作大印用種種塗香塗於手臂。然後結印頂戴當心合掌。二小指及無名指。鉤在掌中。其二頭指押中指背第二節上。二大指並豎

此是大心	真言密印	要須共用
所作加持	其祕密言	各誦七遍
各印印之	或擲或止	要當想成
一一如法	不得就中	心緣餘境
隨順世法	行住坐臥	安在諸佛
甚深境界	若有行者	修此法者
不久即成	一切種智	

第二根本真言印

以二手腕相著。當在胸前。其十指並散。二小指及二大指並豎猶如蓮花形。亦依前法印之止之。惟有迎請母指來去

第三小心真言印

以二手虛心合掌猶如未開蓮花。若付囑時依前想念。發遣尊者開二大指。此小心密印通蓮花部一切處用。我今於大蓮花部三昧耶中略出此祕密甚深念誦次第。其修行者不得錯傳如護眼目。若能如是。一切聖者皆大歡喜憶念此人。一切善神日夜常護不離左右

成就世間出世間除災護摩念誦品第五

我今順於蓮花部	略說如意摩尼輪
能勝諸部最祕密	成就世法出世法
念誦都有四種相	行者諦聽我說之
初作息災加持法	第二增益福智成

第三隨心愛念法
此四種持護摩事
若欲成就息災者
須求無上妙覺地
復若求成就大事
又取白檀十六指
數至百八或千八
行者若除他病時
或自他災及畜生
於其一一大城門
種種殊妙寶莊嚴
又想眉間出白光
一切眾生所有殃
或想此光入我身
罪滅福生以加持

增益福德品第六

我今略說福生法
菩薩分身遍一切
又復安立諸珍藏
百千萬國所隨者
或說相法或無相
建立佛法護世界
奉現一法速超越
三部各別有三種
諸部攘災略說已
若求長壽及財寶
或求宿命知前後
若為自作增益福
若求長壽身無患
深淺方圓皆一肘
復取蘇密及檀木
數至百八一千八
若有先世極重業
除滅罪已增福智
若為他故作此事

第四降伏一切怨
上中下法次第陳
先發安忍慈悲心
莫樂聲聞二乘心
要當先作轉障法
一持一燒稱己名
本所求願皆滿足
或滅國中大災厄
應可存心請大聖
想中各安本尊者
思惟六臂如盡說
徐徐廣引遍世界
悉皆頓謝無所有
一切罪障皆滅盡
復勤念誦便成就

大慈悲故順有情
隨彼眾生所樂心
種種法門各不同
一一勤求皆悉成
隨順眾生性所趣
大聖力勢不思議
於一法中復現三
就中最初是攘災
次當增益今說之
復樂聰明聞持門
或欣現世力如龍
先須每喫三白食
作一火爐蓮華形
又取五淨塗其中
一呪一燒稱己名
乃至三千隨前儀
不過萬遍悉皆除
即得無病及命長
但稱彼名法則同

行者如法作存心
呪滿八百便嚼之
即能開心得聰明
念誦根本大真言
無福眾生速加持
但願長命大護身
現世即得宿命通
所求悉地無不成
根本真言加持之
每須空腹取服之
力同九龍等無差
或得一劫過中劫
過於諸部以得成
須持一物置壇中
初夜起首念誦之
及現三相唯限之
第二煙相隱其軀
此得成就大仙人
雄黃等藥用塗之
行者努力守護之

每日晨朝取柳木
不久一月或三月
作護摩用小心呪
我此略說增益福
莫論作此數種法
若能每日持千八
日夜殷勤恒修習
又若服藥求色力
念誦十萬滿足已
三七五七復過七
若持延年甘露藥
若持藥草求成就
牛酥雌黃雄黃等
白月一日或十五
一期持誦勿間斷
初現煖相成聰智
第三火現昇空去
悉地牛酥應當服
我今說此增益訖

隨心憶念品第七

我今復說隨順事
又取鹽和大麥麵
男左女右從脚興
每日三時各百八
若欲羅遮令憶念
護摩亦須念名號
若攝諸龍作隨順
若欲祈雨須青色
燒火須用乳汁木
作法應須至誠意
若攝諸天藥叉等
若有怨家令歡喜
或作護摩或持誦
上根福報三百遍

人與非人及畜生
所求隨心作其形
須用寶鐵刀細截
乃至千八自隨心
所造形持稱彼名
不過八百即隨心
先作一龍似蛇形
復若澇時應赤色
不過三日即成之
就中不得懈慢心
隨類各各稱本名
念誦亦得轉彼心
上中下品怨家別
中下無福再稱之

隨心念誦我略說
一切部中總攝盡

智者應須諦思惟
祕密最要蓮華心

阿毘遮嚕迦品第八

我今稽首彼大聖
護佛法故現忿怒
此中火爐須三角
若作此法須黑月
露體樂幽及忿怒
惡酥惡油擲爐底
降伏鬼神卒暴者
或燒苦楝或生木
一截一呪百八遍
若復降伏滅法者
用諸毒藥燒爐中
於三日中八百遍
復若不作護摩事
所欲降伏一切者
其數復滿八百遍
依法略說此調伏
甚深祕密口訣法
若能承侍此尊者
曾經無量諸佛所
就中若值善知識
我若廣說此功德
今已略陳此少耳

為現種種方便門
降伏破滅聖法人
用燒雌木兼濕薪
或用一日及月頭
大聲持誦稱彼名
不滿千八自然成
應可復燒禮嚕根
麵和人血復作形
不過三日即調柔
加意供養大明王
又取濕薪作護摩
令彼惡人即迴心
持誦根本真言明
句句皆須稱彼名
彼即自來尊敬之
行者應須諦思惟
次第念誦都攝門
不是一生種善根
修習菩提究竟門
一生即入不壞門
無量億劫歎無窮
行者精心勤修之

都表如意輪儀軌